



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

24 c Euergistus Bischoff vnd marterer zů Cöln.

**urn:nbn:de:hbz:466:1-41449**

Augustini/ welches leben mit heyligkeit vnd Wunder-  
zeichen leuchtet.

Item der H. Witfrawen Ode/ die S. Huberti  
Vatters Schwester war/ in dem Flecken Anania an der  
Mosa bey Huyium gelegen.

c ix. Calend. Nouembris.

### Der XXIII. Tag im Weinmonat.

**I**n der Statt Venusia inn Apulia / ist heut der  
Geburtstag des H. Bischoffs Felicis/ auch der  
heyligen Priesler Audacti vnnnd Januarij/ vnd  
der heyligen Leser Fortunati vnnnd Septimi / welliche Anno Dñi  
zur zeit des Tyrannischen Kayfers Diocletiani lange 283.  
zeit mit Banden vnd Gefencknuß gepeiniget/ in Aphri-  
ca vnnnd Sicilia endtlich enthaupt seind worden. Felix  
aber ist seines alters im 56. Jar / nicht allein in Got-  
tes Gnaden seliglich / sonder auch in dem Junckfraw-  
lichen Stand löblich gestorben.

Item in dem Kloster Bereano/ des heyligen Abts  
Martini/ welcher bey Capua inn einer Hölin vil Jar  
G O T T dieneet/ da der Teufel in gestalt einer Schlan-  
gen drey Jar lang täglich ihm erschienen/ aber ihn nicht  
verlezen mocht / hat endtlich daselbst vil Jünger im  
dienst Gottes versamblet / vnnnd mit vilen Wunderzai-  
chen geleuchtet. Anno Dñi  
570.

Item zu Cöln am Rhein/ des heyligen Bischoffs  
vnd Marteners Evergisti/ welcher ein würdiger Erzdia-  
con vnd Nachkomer S. Severini gewesen/ vnd am 14.  
tag Herbstmonats geliden hat. Ist zugleich zu Tün-  
gren geborn/ gemartert vnd begraben worden.

R v

Item

## October

Item auch zu Eöln das leyden des heyligen Antiochenischen Bischoffs vnnnd Marterers Jacobi / auß S. Besule Gesellschaft.

Item des heyligen Vitalls.

Item des heyligen Pappis Bonifacij des ersten / welcher des Lands ein Römer / vnd in seinen tagen gar mildt vnnnd barmherzig war gegen den Armen / hat drey Jar die Kirchische Regierung löblich verwalten / vnnnd sein leben seligklich beschloffen. Ligt bey dem Leib der heyligen Felicitatis begraben / deren er zuuor ein Verhauß gemacht het: sein nam wirdt auch am folgenden tag gesetzt.

Item in Britannia die verschidung des heyligen Maglorij Bischoffs zu Dola vnd Beichtigers / welcher Edel von Geschlecht / vnd in der Schrifft wol erfahren / auch eines Gottseligen wandels / dem heyligen Samsoni im Bisthumb nachkommen ist. Als er im leben vnd zeichen süetreflich gehalten ward / hat er auß Göttlicher ermahnung vil Jar ein Einsidlich leben geführt / auch vil Brüder gesamblet / blib ein stete Jungfraw / lich sich mit Gerstenbrot benügen / bettet offte die ganze Nacht / erführe die zukunfft seines Tods von einem Engel / von welchem er auch in einer Osternacht den zarten Fronleichnam Christi sichebarlich empfieng. Hat derhalben vom selben tag an biß in sein end / stets im Rund gehabt disen Vers: Eins hab ich vom H. Erren gebetten / das will ich fordern / dasß ich mein lebenlang im Haus des Herren wohnen mög. Sein Leib wirdt zu Paris in S. Maglorij Kloster geehret.

Item in Turoner Landschaft / in der Burg Luca / des heyligen Beichtigers Senoch.

Item des H. Marterers Maiori / welcher vnnnd  
den

Anno Dñi  
630.

den Tyrannischen Wandalen mit Stecken geschlagen/  
auch offte in die höhe auffgezogen/ vnd auff das Pflaster  
gefelle/ wie auch mit Steinen zertrütscht / vnd endilich  
bey der Statt Tiburtina enthaupt ward. Anno Dñi  
450.

d viij. Calend. Nouembris.

### Der XXV. Tag im Weinmonat.

**Z**u Rom ist heut der Geburtstag der heyligen 46.  
Kriegsknecht / welche nach dem Exempel Tripho-  
nie der Haußfrawen Decij / vnd ihrer Tochter En-  
rille zum Ehrlichen Glauben bekört / vnd von dem H.  
Paps Dionysio dem ersten getaufft / auch auß beselch  
des Tyrannischen Kayfers Claudij enthaupt / vnd von  
dem H. Priester Justino begraben wurden. Anno Dñi  
270.

Item auch zu Rom des heyligen Marteners Ma-  
ximini vñ anderer 120. welche auch zur selben zeit begr-  
aben worden / vnder welchen vier Ritter Christi waren/  
mit Namen Theodosius / Lucius / Marcus vnd Petrus /  
welche als sie die bewaffneten Feind vnd Schärge vor  
Augen sahen / baten sie / daß sie vnder den andern Chri-  
sten die ersten enthauptet wurden.

Item in der Statt Petragorica des heyligen Bi-  
schoffs Frontonis / welcher daselbst geboren / vnd von ju-  
gent auff GOTT ergeben / auch zu Rom von dem heylig-  
en Apostel Petro getaufft / zum Bischoff geweiht / vnd  
in sein Statt / das Volck zubelehren / geschickt ward :  
erweckt auff dem weg den verstorbenen Priester Geor-  
gium mit S. Peters Stab / belehret mit demselben  
Priester vil Volcks in derselben Statt / verschid endilich  
im sciden / leuchtet mit vilen Wunderzeichen.

Item